




Edolophini



Amagama amatsha amabawaqhele

ibomvu

yindlu

cwaka

Izandi (ukuqwalasela kwakhona)

bh, dl, gc, gq, kh, kw, lw, mb, mp, nc, nd, ng, nk, nt, ny, nz, ph, rh, sh, th

Izandi

ncw (yeencwadi, unoncwadi, iincwadi)

ngq (nonengqondo, uNgqika, angqine, ngingqaj, ngqe, uyakungqala, ngqo)

nts (ndinguNontsikelelo, aphantsi, uNontsasa, ntsapho, iintsapho, ngentsimbi, intsumpa, ezantsi, luyintsika, nantsi, ntsasa)



Uthotho lweencwadana zebanga loMgangatho osisiSeko

Ipapashwe 2013 ngabakwa-Molteno Institute for Language and Literacy
Zisekwe kwimvelo yothotho lweencwadana exhaswe yi-Zenex Foundation



***** Edolophini

- Umhleli wothotho: **Jenny Katz**
- Abaqambi bamabali: **Jenny Katz noMirna Lawrence**
- Umsebenzi: **Jenny Katz**
- Incutshe kulwimi isiXhosa: **Nolitha Bikitsha**
- Umzekelisi: **Shayle Bester**
- Uyilo nongqaleko: **Resolution**



Creative Commons Attribution-NonCommercial-NoDerivatives (CC BY-NC-ND) 4.0 International Licence

Disclaimer: You are free to download and share this work as long as you attribute the Molteno Institute for Language and Literacy, but you may not change this work in any way or use it commercially.

© 2013 Molteno Institute for Language and Literacy



ISBN 978-1-77580-153-5

Edolophini





Molo! Igama lam ndinguNontsikelelo. Ndingathanda ukukubonisa idolophu yam.




Esi, sisikolo sam samabanga aphantsi. UNkosazana uNontsasa undifundisa ukufunda, ukubhala nezibalo kwibanga lesibini. Ungumfundisi-ntsapho onomonde nonengqondo.



Le, yicawe ezikhonza kuyo iintsapho zalapha.



Umfundisi uNgqika ungenisa inkonzo ngentsimbi yethoba. Usikhokela ngomthandazo, ngamaculo, angqine nangezibhalo. Ungumkhokeli oluncedo kule ngingqi.



Sisikhululo
samapolisa esi.
Uyayibona intsumpa
yamapolisa?

Amapolisa asigcina
sikhuselekile.
Abamba abaphuli-
mthetho. Ayasinceda
naxa sixakekile.

Ubolumka! Iyabaleka
kakhulu imoto
yamapolisa!






Sikwisikhululo
sesicima-mlilo.
Ndithanda esa
sicimi-mlilo
sibomvu! Sineleli
ende. Sinethumbu
lamanzi elifikelelayo
ezantsi ukusuka
kwindawo ephezulu.

Abacimi-mlilo
bayakhalipha
ukusindisa abantu
ezingozini zomlilo.






Sisesibhedlele.
Uyasibona isithuthi-
ziguli? Sibalekisa
abantu abagulayo
nabonzakeleyo
esibhedlele.



Abongikazi
bancedisana
noogqirha
ukusinyanga.
Andilithandi iyeza.
Isitofu sona,
ndibaleka ngqe!





Le yindlu
yeencwadi.
Yindawo
ethule cwaka.



Unoncwadi usancedisa
ukukhangela iincwadi aze
asiboleke ukuze sizifunde
ekhaya. Ulwazi luyintsika
yokuphila ebomini.



Selifikile na ixesha lokugoduka? Ndiphe idilesi yakho. Nantsi iposi. Ndakuyiposa kule bhokisi ibomvu ileta yakho. Eleke ntsasa, ndakulindela evela kuwe ileta. Unoposi, uyakungqala ngqo kule dilesi. Nantsi eyam.

Ndingathanda nam ukuyibona eyakho idolophu ngenye imini!

Umsebenzi

Ngubani osebenza kule ndawo? Yelelisa indawo nomntu osebenzayo kuyo.



isibhedlele



icawe



isikhululo
sesicima-mlilo



isikhululo samapolisa



isikolo




ipolisakazi



umfundisi-ntsapho



umongikazi



umfundisi



umcimi-mlilo

I-**Vula Bula** yinkqubo eyodwa kuba iveliswa kwisiseko solwimi ngalunye kwiilwimi zeemvelo zoMzantsi Afrika. Inkqubo iyilwe ngononophelo, ivumelana ingqinelana kananjalo nokukhula kolwimi endalweni kwakunye neemfuneko ezingundoqo zobuchule bokufunda nokubhala ulwimi.



INQANABA loku- ★ (8)

Hayi!
Vula vala
Baleka!
Lala
Bala
Coca
Zoba usike
Mamela

INQANABA lesi- ★★ (7)

Jika
Utata usele nosana
Umnikelo
Lelikabani eli vili?
Uhambo
Sebeza
Ekhaya

INQANABA lesi- ★★★ (6)

Ncedani!
Yophukile ifestile
Uphi uZinzi?
Sityiwe isonka
Sidlala undize
Izinyo

INQANABA lesi- ★★★★ (5)

Evenkileni yempahla
Umnqathe omkhulukazi
Ibali lobugqj
Gcinela ingomso
Isuphu yelitye

INQANABA lesi- ★★★★★ (6)

Idabi lomoya nelanga
Umvundla nofudo
Ingonyama nempuku
Ukubhaka nomakhulu
Edolophini
UMzantsi Afrika ngowethu

Iincwadana zebanga zibonelela ngamathuba amaninzi okuqhelanisa amaqela, okhokelwayo, isibini nozimelelo ukufunda ukuguqula umbhalo ofihlakelelo wesandi/ ubugcisa bokwazi ukubiza ufunde igama ngokubona into. Izivakalisi ezakhiwe lula nacacileyo nesigama esiqhelekileyo zenza inkqubela nokufunda kukhawuleze. Imizekeliso enomtsalane, ecacileyo nenenkcazo ephelelelo yenza kube lula ukuqonda.

ISIXHOSA